

國家圖書館藏

藏書局

鄉土志稿序選編

國家圖書館地方志和家譜文獻中心 編

鄉土志抄稿本選編

(一)

河北 宣化縣鄉土志

昌黎縣鄉土志

贊皇縣鄉土志

永年縣鄉土志

直隸宣化縣鄉土志序

志記也。顏氏師古所謂積記其事是也。體莫古於禹貢。而其名則自周禮小史掌邦國之志始。厥後漢地理志、陳輿地志、隋區宇圖志、唐十道志、宋方域志、明一統志紛紛踵作。郡邑志乘更難殫述矣。直隸宣化國朝康熙間初置縣志亦肇此。歷年二百。賡續無人。承乏斯邑。心竊憾之。正擬搜輯新編。垂鏡後世。學務未再。調查鄉土志。檄適至。爰遶邑中。與士

俚例且探訪分門簿書偶暇重加討論畧者補之欲
其信而有徵也繁者刪之欲其簡而易明也疑似者
慎擇而仍闕之欲其就實避虛而不穿鑿也厥期再
屈草創初成脩飾潤色尚有待於宏文鉅筆嗚呼我
中國方里七十萬人民四百兆地非不大也物非不
博也滄海橫流駭浪迭起急迫震懼若恐禍至之無
日則人才遠不古若較然矣顧人才繫學術而學術
基童蒙養正有方驟語以高深弗得也夫康頤去趙

猶思鄉曲鍾儀竊晉不忘土風書曰惟土物愛厥心
臧擴而充之愛國家愛種類此心詎有窮盡耶州訂
此志以備課本洵可為小學堂初藪之助若欲應世
變而濟時艱則五洲圖經萬國歷史積記故事燦然
具備是在有志之士高掌遠跂周歷詳稽勉為宏達
之才又非區區一隅之說所能圓矣特在
光緒三十三年四月望日知宣化縣事謝惟撰

宣化縣鄉土志目錄

歷史錄

政績錄

兵事錄

耆舊錄

名宦鄉賢附

人類錄

地理錄

物產錄

商務錄

以數

八股

書

其

其

其

宣統元年上諭目錄

宣化縣鄉土志

歷史錄

康熙三十二年置縣治

宣府一鎮舊制設有十衛至是始置郡縣改附郭
之前衛曰宣化縣設知縣教諭典史各一員

未置縣治以前

唐堯帝分九州一曰冀州是時宣化地屬冀

虞舜帝肇十有二州一曰幽州是時宣化地屬幽

夏商兩朝復為九州是時宣化地均屬冀

周初復屬幽

赧王立七國爭拓領土燕置上谷郡自是宣化乃屬

上谷故至今猶稱此名

秦始皇分天下為三十六郡宣化屬上谷沿舊制也

漢武帝分天下為十三州部是時宣化屬幽州部幽

州部屬有下谷縣即今宣化縣

漢獻帝省並幽并為冀於是宣化屬冀

魏文帝更分幽并而宣化復屬幽

晉武帝分郡地置廣甯郡宣化於是屬廣甯而縣治
仍名下落其後五胡亂作石勒慕容氏苻堅拓拔
氏前後竊據終盡之世宣化無甯崇

宋順帝時魏並上谷廣甯為東燕州改下落縣曰文
德是時宣化屬東燕州而本境名文德

陳武帝時北齊改東燕州為北燕州則宣化屬北燕
隋文帝省北燕州令屬涿郡是時宣化仍名文德屬

涿郡

唐高祖改郡稱州時有武州即今宣化

武宗時置山北八軍名武州曰雄武軍

昭帝時契丹入寇宣化遂為陷後稱曰歸化州旋為

李嗣源攻復

後唐潞王時河東節度使石敬瑭割山後諸州賂契

丹宣化亦為所賂

宋徽宗四年金陷契丹舊武州以歸宋六年復陷於

全改名宣化州領縣宣德即今宣化縣

甯宗時陷於元改宣甯州

理宗時元陞宣甯州為宣德府

元順帝改宣德府為順甯府

明洪武三年改宣德府曰宣府

國朝仍明舊稱曰宣府置前衛掌印守備等官

康熙間始改稱宣化府附郭前衛曰宣化縣今縣署

即前衛署地

既置宣化縣後屬直隸省至今未改屬改名

政績錄

本境官吏代有循良惟乾隆九年以前凡負政聲者類皆入祀名宦祠以饜民望至是厥後府縣各志書迄未續脩則百餘年來政績莫考未免遺憾良多茲舉惠及羣黎隱合興利去害之宗旨者僅陳一二雖明知吉光片羽不無舍遠求近之譏然採自民間口碑未始非宣化信史也至聽訟一類事涉繁瑣姑闕

弗書蓋疏人名宦祠一門容所著舊錄後

興利

李象臨字雙圃湖南長沙人嘉慶辛未進士改庶吉
士道光二年任宣化府知府善政流傳不可勝紀
最著者因貢院號內曩係泥臺士子入場殊多污
穢特改松木版穩以磚石平正堅固朝濕不侵至
今士民頌德猶不置云

王可陞字楓臣湖南保靖人同治十一年任重化鎮

總兵莅任以來闢懷民瘼城垣自康熙間重脩後
經歷年久大半傾頽公獨肩同寅僚裨募鉅款督
工脩葺時逾十載始克竣工其後於操防之暇每
飭營勇時補脩之在任二十九年卒於官

王袞字補菴廣東人由進士官郎中光緒元年任宣
化府知府下車伊始督士子課最勤因柳川書院
膏火甚微倡各州縣慨捐廉俸發商生息從此倍
增獎賞而士子讀書亦奮八年卒於任

去害

章洪鈞字琴生安徽績溪縣人同治辛未翰林光緒
十年任宣化府知府莅位之初即革市商官價舊
習凡署內日用品悉照民價給發商民感激自
不待言而體恤寒畯尤無微不至每課士子除閑
卷外必捐廉優獎前列數名其平日善誘循循然
若家人父子之處一堂焉惜乎十三年卒於官閨
郡士紳聯名請入名宦祠因在任不滿三十年稟